

# **Tlamichtilmej para Toteki akinmej tikchiuaj ken Cristo**

**1-7 DE MARZO**

**KEN TECHPALEUIA BIBLIA | NÚMEROS 7, 8**

**“¿Tlen techmachtia ken okitlaliayaj inmantajkaluan israelitas?”**

*it-1-S pág. 523 párr. 7*

**Altepetyl**

Yiuejkika príncipes otlajtouayaj inpatka israelitas (Esd. 10:14). Akinmej otla- yekanayaj itech sejse tribu itech Israel okiuikakej seki tlamanli ikuak otlanki okichijchijkej tabernáculo (Núm. 7:1-11). Ij- kuak okatka Nehemías teopixkej, levitas uan akinmej okiyekanayaj israelitas in- patka otlajtojkej ikuak okikuilojkej tlen kichiaskiaj (Neh. 9:38-10:27). Ikuak is- raelitas onentokaj kanin tlauaki okatkaj akinmej okinyekanayaj, yejuan okichiua- yaj seki tekitl miak ipati. 250 tlen ompa opouiyaj omonechikojkej iuan Coré, Da- tán, Abiram para kinmixnamikiskaj Moisés uan Aarón (Núm. 16:1-3). Jehová okina- uati Moisés ma kinpejpena 70 tlakamej tlen kinyekanaskaj israelitas uan ikuak ki- paleuiskaj porque ye iselti amo uelis noch kichiaskia (Núm. 11:16, 17, 24, 25). Itech Levítico 4:15 otlajto itech tlakamej tlen okiyekanayaj altepetl; tlen okinyekanayaj israelitas, tlen okinyekanayaj infamilias, jueces uan oksekimej tlen noijki otlapale- uiayaj, nochtin yejuan otlajtouayaj inpatka israelitas (Núm. 1:4, 16; Jos. 23:2; 24:1).

*it-2-S pág. 874 párr. 1*

**Rubén**

Ikuak israelitas okintlaliayaj inman- tajkaluan, okintlaliayaj inajnakastlan tabernáculo, ik sur okintlaliayaj inmantaj-

kaluan itribu Rubén. Inajnakastlan okatkaj Simeón uan Gad. Ikuak oksekan oyabaj, inyakapan ninmej eyi tribus oyabaj eyi tri- bus; Judá, Isacar uan Zabulón (Núm. 2: 10-16; 10:14-20). Ikuak otlanki okichijchijkej tabernáculo noijki ikuak okichijchijkej ikuak okiuikilijkej tlen kitlamanihiskaj Jehová (Núm. 7:1, 2, 10-47).

**w04-S 1/8 pág. 25 párr. 1**

**Tlen okachi ipati omotlajtolti itech Números**

**8:25, 26.** Tlakamej levitas tlen yokipiayaj miak xiuitl ayakmo okichiuyaj seki tekitl tlen oksekimej levitas omonekiaya kichi- uaskiaj. Pero tla yejuan okinekiayaj uelis kinpaleuiskaj oksekimej levitas. Non tech- machtia itlaj miak ipati porque axkan maski ikaj yikipia miak xiuitl ok tetlapo- uia. Tla se tokni tlen yikipia miak xiuitl ayakmo ueli okachi tlapaleuia itech ialte- pe Jehová, uelis tlapaleuis itech okseki tlamanli.

**Ma tiktemokan ken techpaleuia Biblia**

*it-2-S pág. 717 párr. 3*

**Konetl tlen achto onesiaya**

Inkoneuan israelitas tlen achto nesiski- aj kinyekanaskaj tribus. Yejuan tlajtoskaj inpatka nochtin. Jehová okijto nochl altepetl Israel okatka ikone tlen tlayekantok, okatka achto ialtepe porque Jehová okilui Abrahán tlen kichiaskia (Éx. 4:22). Je- hová okinmakixti inkoneuan israelitas tlen achto oneskej, ik non, ye okinmilui ma kixelilikan nochtin konemej tlen achto one- siaya, tlakamej uan yolkamej (Éx. 13:2). Ik non, nochtin konemej tlen otlayekanayaj okinmaktilijkej Jehová.

## 8-14 DE MARZO

KEN TECHPALEUIA BIBLIA | NÚMEROS  
9, 10

“Ken kiyekana Jehová ialtepe?”

it-1-S pág. 403 párr. 6

Kanin omokauayaj israelitas

Nochtin israelitas okitlaliajaj uan okiukayaj inmantajkaluan (Moisés okijo itech Números 33 intoka 40 tlalmej kanin omokajtiajkej) non okiteititi Jehová kuali okinyekanaya. Ijkuak mixtli okatka ipan tabernáculo israelitas ok omokauayaj kanin okintlaliajaj inmantajkaluan pero ijkuak mixtli omajkokuiaya nochtin oyayaj. Jehová okiteititi kanin kitlaliskiaj inmantajkaluan uan keman omonekiaya yaskiaj (Núm. 9:15-23). Okinpitsayaj ome trompetas de plata tlen okinchichijkej ika martillo uan iikon Jehová okinyekanaya israelitas (Núm. 10:2, 5, 6). Ijkuak okinpitsayaj okiteititiyaj omonekiaya kixitiniskej inmantajkaluan para yaskiaj. Iikon opejkej kichiujaj itech tonal veinte, metstli ome, xiuitl 1512 a. i. x. 1 (achto itech xiuitlse). Achto okiuikayaj arca, satepan oyayaj eyi tribus; achto otlayekanaya itribu Judá, satepan Isacar uan Zabulón. Satepan oyayaj guersonitas uan meraritas, yejuan okiuikayaj tlen ika okiyektlaliajaj tabernáculo. Satepan oyayaj eyi tribus, Rubén satepan Simeón uan Gad. Satepan oyayaj cohatitas, yejuan okiuikayaj tabernáculo. Satepan oyayaj oksekimej eyi tribus; Efraín, Manasés uan Benjamín. Saiktlami oyaya itribu Dan, satepan Aser uan Neftalí. Ikon tribus tlen okachi miakej uan chijchikauakej, sekimej otlayekanayaj uan oksekimej oyayaj inkuitlapan (Núm. 10:11-28).

w11-S 15/4 pág. 4 párrs. 4, 5

¿Tikintlakamatij akinmej toTajtsin Dios kintekitiltia ma techyekanakan?

¿Ken tikteititiskej tiktasojkamatij Jehová porque techyekana? Apóstol Pablo okijo: “Xikintlakitakah akimeh nomechyakanah iwa xikchiwakah tlan nomechnawatiah” (Heb. 13:17). Ualeua oui iikon tikchiuaskej. Ximokuayejyeko tejuatsin tiisraelita uan tika ijkuak okatka Moisés. Yikipia miak tonal tinejnentok kanin tlauaki uan tikita tlayekapan yauí mixtli. Tikita san niman moketsa uan timokuayejekoua keski tonal ompa timokauas, ¿se tonal, se semana noso miak metstli? Satepan timotlajtnania kox tikkixtis nochí tlen moaxka pero san tikkixtia tlen monekis. Panoua seki tonal uan timosotlaua porque san titlate-mojtok kanin tikpia miak tlamantli, ik non, nochí tikkixtia. Pero ijkuak nochí yotikkixti majkokui mixtli, ik non, nochí oksepa otikkololouaya para uelis tikuikas. Xamo timosotlaua pero moneki iikon tikchiuas para san niman tias iuan oksekimej israelitas tlen yiaytokej (Núm. 9:17-22).

¿Tlen tikchiuaj ijkuak toTajtsin Dios techititia tlen moneki tikchiuaskej? ¿San niman tikchiuaj noso amo? ¿Tikchijtokej ken yotechmachtijkej? ¿Titlamachtiaj ken otechititijkej? ¿Tikintlapouiaj akinmej oksekan inmialtepe iikon ken yotechititijkej? ¿Timmomachtiaj iuan tofamilia? ¿Tikchiuaj ken moneki ijkuak tikatej itech uejueyij nechikolmej? ¿Tikinpaleuiaj tokniuan tlen motlapouiaj iuan akinmej tlapajtiaj? Noijklí tikkauiliskej toTajtsin Dios ma techyekana tla tikinkauiliaj ma techyektlalikan tokniuan. Ik non, ijkuak itlaj tiknekij tikchiuaskej nochipa ma tikkauilikan Jehová uan ialtepe ma techyekanakan. Ikon ken se konetl

kiluia itajtsin ma kipaleui ikuak itlaj kipanoua, tejuan noijki ma tikintemokan tokniuan ikuak itlaj techtlajyouiltia.

## Ma tiktemokan ken techpaleuia Biblia

it-1-S pág. 226 párr. 4

Uejueyij nechikolmej

**Moneki timonechikoskej.** Israelitas sejse xiuitl okichiayaj Pascua, ijkon Jehová okinmititi ikuak omonechikouayaj okinpaleuiaya okachi iuan ma mouikakan. Nochtin tlakamej tlen okipiayaj chipauak intlalnakayo uan amo okichiayaj Pascua porque amo okinekiayaj, okinmiktiayaj (Núm. 9:9-14). Tekiua Ezequías okinnechiko ompa Jerusalén akinmej ochantiyaj Judá uan israelitas para ma kichiuakan Pascua. Ye okinmilui oksepa ma kiueyichiuan Jehová, amo ma yetokan yoltlakuauakej ijkon ken okichijkej inkojkoluan. Okinmilui ma yakan kanin okiueyichiayaj Jehová, kanin ye okijo para nochipa ompa ma kiueyichiuan uan ijkon ye ayakmo kualaniska. Okinmilui Jehová yolkuali, teiknomati uan amo keman kinkauaskia tla yejuan oksepa kiueyichiaskiaj (2 Crón. 30:6-9). Tla amo okichiayaj Pascua, okiteititiayaj amo okitlakaitayaj toTajtsin Dios. Axkan tejuan amo tikchiuaj Pascua pero apóstol Pablo okijo nochipa ma timonechikokan, ye okijo: "Matiktemolikah keniji timosepampapalewiskeh, matimotlasoxtlahkah iwa matikchiwakah tlan kuali. Yíka, nochipa matimololokah iwan oksikimeh tokniwah, amo matikchiwakah kemi sikimeh yomamatkeh amo kinekih mololoskeh. Tejwah moneki matimosepanyolchikawakah, iwa axa okachi por ya tikitah n tonati ikuak Toteko wits ya walajsi" (Heb. 10:24, 25; xikita CONGREGACIÓN).

## 15-21 DE MARZO

### KEN TECHPALEUIA BIBLIA | NÚMEROS 11, 12

**“¿Tleka amo kuali san ma tikijtojtukan amo tikpiaj tlen moneki?”**

w19.02 pág. 17 párr. 13

**¿Tleka moneki ma timotlasojskamatikan?**

<sup>13</sup> Ikuak opejkej kixnamikij okseki ouijkayotl, okilkajkej toTajtsin Dios okinpaleui uan ayakmo omotlasojskamatkej (Sal. 106:7). Biblia kijtoa: “Ikuakon nochtin israelitas opejkej kiteneuaj Moisés uan Aarón”. Pero ye Jehová okixnamikej (Éx. 16:2, 8). Jehová sapanoa omoyolkoko uan okijo kimixpoloskia akinmej okixnamikej ompa kanin tlauaki. Pero Josué uan Caleb amo mikiskiaj (Núm. 14:22-24; 26:65). Ma tikitakan tleka amo ma tikchiuakan ken yejuan uan ma tikchiuakan ken akinmej omotlasojskamatkej.

w06-S 15/7 pág. 15 párr. 7

**Ma tikchiuakan tlen moneki uan amo ma tikinteneuakan oksekimej**

<sup>7</sup> ¡Israelitas ayakmo omokuayeje yekojkej ken achto! Ikuak okiskej Egipto uan opanokej itech mar Rojo, okitlasojskamatiliijkej uan okitlakuikilijkej Jehová (Éxodo 15: 1-21). Pero okualankej uan ayakmo omotlasojskamatkej porque amitlaj okatka kanin tlauaki uan okinmauiliyaj akinmej ochantiyaj Canaán. Maski toTajtsin Dios okinmakixti okitlajtlakoltijkej porque omokuayeje yekouayaj amitlaj okipiayaj. Okitenejkej Jehová ijkon okiteititijkej amo okitlasojskamatiliyaj tlen ye okinmakayaj. Ik non, ye okijo hasta keman kitenejtoskiaj (Números 14:27; 21:5).

**it-2-S pág. 855 párr. 2**

### Mokualaniaj

Tlateneuaj. Ijkuak ikaj tlateneua amo tlapaleuia nion ikaj kiyolchikaua. Ijkuak israelitas okiskej Egipto opejkej kiteneuaj Jehová, ijkon okichijkej ijkuak okijtojkej Moisés uan Aarón amo kuali otlayekanajay (Éx. 16:2, 7). Tlen israelitas okijtojkej okiyolkoko Moisés uan okinekiaya mikis (Núm. 11:13-15). Tla ikaj san tlateneua, uelis mikis. Ijkuak israelitas okitenejkej Moisés, Jehová okitak ye okiteneuajay ken okinyekantoka (Núm. 14:26-30). Miakej omikej porque okitenejkej Jehová.

### Ma tiktemokan ken techpaleuia Biblia

**it-2-S pág. 288**

#### Maná

**¿Ken okatka?** Maná okatka istak ken isemilla cilantro, ken cera uan okatka ken imeyal se kuauitl. Okatka uelik ken pan kanauak tlen kipia neujtli noso ken se pan tlen okithaliliayaj aceite. Okipayanayaj ika se molino tsikitsin noso ika se moltkaxitl, okiposoniayaj noso okikxitayaj itech hornero (Éx. 16:23, 31; Núm. 11:7, 8).

## 22-28 DE MARZO

### KEN TECHPALEUIA BIBLIA | NÚMEROS 13, 14

#### “Timoyolchikauaskej tla titlaneltokaj”

w06-S 1/10 pág. 17 párrs. 5, 6

Techyolchikaua tla titlaneltokaj uan tiktlakamatij Jehová

<sup>5</sup> Josué uan Caleb yokinekiayaj ajsitiuij itech tlali tlen Jehová okinmilui kinmakaskia israelitas. Yejuan okijtojkej kintlaniliskiaj cananeos. Okinmiluijkej israelitas amo ma momojtikan porque

Jehová kinpaleuiskia (Números 14:9). ¿San omokajkayauayaj? Amo. Josué uan Caleb noijki okitakej Jehová okintlajyouilti akinmej ochantiayaj Egipto uan inteotsitsiuan ika majtlaktli chauistli. Noijki okitakej itech mar Rojo okinmixpolo faraón uan isoldados (Salmo 136:15). Majtlaktli tlakamej tlen tetlalan otlachiatoj uan oksekimej israelitas amo omonekiaya momojtiskej. Ik non, Jehová okiyolkoko ken omokuayejyekouayaj, ye okijo: “Has-ta keman amo nechtlakaitas nin altepetl uan hasta keman amo notech tlaneltokaskej maski inmixpan yonikchi miak tlamantli tlen tetlajtlachialti?” (Números 14:11).

<sup>6</sup> Jehová okijo yejuan amo otlaneltokayaj, ik non, omomojtiayaj. Amo san moneki titlaneltokaskej noijki moneki tiyetoskej tiyolchikauakej, ik non, tlatitlanil Juan okinmilui sekimej tokniuan akin tlaneltoka “nochipa tlatlani” (1 Juan 5:4). Axkan iTlaixpantijkauan Jehová tlaneltokaj ken Josué uan Caleb, ik non, telpokamej, ichpokamej, akinmej yikipiaj miak xiuitl, akinmej chikauakej uan akinmej amo, tetlapouiaj tlen kichiwas iTekiuajkayo totajtsin Dios. Yejuan yolchikauakej, ik non, amikaj uelis kichiwas ayakmo ma tetlapouikan (Romanos 8:31).

### Ma tiktemokan ken techpaleuia Biblia

**it-1-S pág. 740**

Tlali tlen toTajtsin Dios okinmakak israelitas

TOTAJTSIN Dios okinmakak israelitas se kuali tlali. Ijkuak Moisés okintitlanki sekimej tlakamej ompa ma tlachiatij okinmilui ma kiukakan tlen ompa okitokayaj, yejuan okiukakej higos, granadas uan miak uvas tlen okiukayah ome tlakamej ika

ome kuauitl. Maski omomojtijkej porque amo otlaneltokakej Jehová kinpaleuiskia, okijtojkej tlali tlen kinmakaskiaj okitemakaya leche uan neujtli (Núm. 13:23, 27).

## 29 DE MARZO-4 DE ABRIL

### KEN TECHPALEUIA BIBLIA | NÚMEROS 15, 16

**“Amo ma timoueyinekikan nion ma timokuayejekekán nochí kuali tik-chiuaj”**

w11-S 15/9 pág. 27 párr. 12

¿Nechixmati Jehová?

<sup>12</sup> Ijkuak israelitas onejnentiyaj kanin tla-uaki, Coré omokuayejecko amo kuali okiyekanayaj ialtepe toTajtsin Dios. Ye uan 250 tlakamej tlen noijki otlayekanayaj okinekiyaj kipatlaskej seki tlamantli. Yejuan omokuayejekekouayaj okiyolpaktijtokaj To-tajtsin Dios, ik non, okixnamikej Moisés. Ye uan Aarón okinmiluijkej nochtin okatkaj santos uan Jehová okinpaleuiftoka (Núm. 16:1-3). ¡Nonmej tlakamej sapanoua omoueyinekiyaj! Ik non, Moisés okinmilui Jehová kijtoskia akin okatka iaxka (**xiktlaj-tolti Números 16:5**). Mostlatika Jehová okinmixpolo Coré uan akinmej okipaleuiaj (Núm. 16:31-35).

w11-S 15/9 pág. 27 párr. 11

¿Nechixmati Jehová?

<sup>11</sup> Ixpan Jehová, Moisés uan Coré tlalamanli okatkaj. Porque tlatlamantli okitayaj itlanauatiluan Jehová uan ken okiyekanaya ialtepe. Coré okatka levita uan opouiaja itech ifamilia Cohat. Xamo ye okitak ijkuak toTajtsin Dios okinmakixti israelitas itech mar Rojo, xamo otlapaleuuijkuak Jehová okinmixpolo akinmej

amo okitlakamatkej itech tepeti Sinaí uan noijki otlapaleui ijkuak okiuikayaj arca (Éx. 32:26-29; Núm. 3:30, 31). Miak xiuitl okichi tlen Jehová okijto, ik non, miakej israelitas okitlakaitayaj.

### Ma tiktemokan ken techpaleuia Biblia

w98-S 1/9 pág. 20 párrs. 1, 2

Xikchiua tlen moneki

Jehová okitak amo kuali tlen okichi se tlakatl israelita. Biblia kijtoua satepan Jehová okilui Moisés omonekiaya kimiktiskej tlakatl (Números 15:35). ¿Tleka Jehová okiteititi amo kuali tlen okichi non tlakatl?

Israelitas okipiayaj chikuase tonal para kololoskiaj kuauitl, tlen kikuaskiaj uan tlen kimokentiskiaj. Pero tonal chikome omonekiaya kiueyichiuaskej Jehová. Amo okatka tlajtlakoli tla okololouayaj kuauitl pero amo kuali okatka tla ijkon kichiuaskiaj tonal sábado porque ijkuakon omonekiaya kiueyichiuaskej Jehová. Axkan ayakmo techyekana tlanautil tlen okijuilo Moisés pero tlen yiuejkika opanok techmachtia achtó moneki tikchiuskej tlen okachi moneki (Filipenses 1:10).

## 5-11 DE ABRIL

### KEN TECHPALEUIA BIBLIA | NÚMEROS 17-19

**“Nimitsmakas tlen moneki”**

w11-S 15/9 pág. 13 párr. 9

¿Tikkauliaj Jehová ma techmaka tlen moneki?

<sup>9</sup> Ma tiklnamikikan itribu Leví amo okinmakkakej tlali. Yejuan okachi okitekichiuiyaj Jehová, ik non, okineltokayaj ye kinmaluiskia porque ye okinmilui: “Ne nimitsmaluis

uan nimitsmakas tlen moneki” (Núm. 18:20). Tejuan amo tikueyichuaj Jehová itech se tabernáculo ken okichiayaj levitas uan teopixkej pero ijkon ken yejuan uelis tikneltokaskej Jehová techmakas tlen moneki. Axkan okachi moneki titlaneltokaskej por que yitikatej itlamian tonalmej (Apoc. 13:17).

#### w11-S 15/9 pág. 7 párr. 4

##### Jehová techmaka tlen moneki

<sup>4</sup> Ken otikitakej levitas amo okinmakakej tlali. Yejuan okinmakakej seki tektil miak ipati. Yejuan okinmiluijkej ma yetokan teopixkej (Jos. 18:7). Números 18:20 kiteititia Jehová nochipa okinmakak tlen omonekiaya (**xiktlajtolti Números 18:19, 21, 24**). Ken levitas otlapaleuiajaj itech tabernáculo israelitas okinmakayaj 10% (porciento) tlen okipiayaj; tlen okipixkayaj uan yolkamej. Tlen okinmakayaj levitas okixelouayaj 10% tlen okachi kuali uan okinmakayaj teopixkej (Núm. 18:25-29). Teopixkej noijki okiseliayaj tlen okimaniliyaj Jehová. Yejuan uelis kineltokaskiaj Jehová nochipa kinmakaskia tlen ika mopanoltiskiaj.

#### Ma tiktemokan ken techpaleuia Biblia

##### g02-S 8/6 pág. 14 párr. 2

##### Istatl miakej kitekitiltiaj

Yiuejkika istatl okineskayotiayaj ikuak ikaj kuali okatka. Itech Biblia ijkon kiteititia, ikuak kijtoua tlajtolsenkaualistli tlen nochipa yetoskia, kineskayotia ika istatl, akinmej non okichiayaj, tlen okikuayaj okitlaliliyaj istatl (Números 18:19). Tlanauatil tlen okijuilo Moisés okijtouaya yolkamej tlen okimaniliyaj Jehová omonekiaya kitlaliliskej istatl, non okineskayotiaya akinmej okitemakayaj non tlamanali okatkaj chipauakej.

## 12-18 DE ABRIL

### KEN TECHPALEUIA BIBLIA | NÚMEROS 20, 21

#### “Ma tiyetokan tiyolyamankej ikuak itlaj tikixnamikij”

##### w19.02 pág. 12 párr. 19

##### Ma tiyetokan tiyolyamankej uan ma tikyolpaktikan Jehová

<sup>19</sup> Amo okachi tikchiuaskej tlen amo kualli. Oksepa ma timokuaye yekokan tlen okipanok Moisés. Miak xiuitl okatka yolyamanki uan okiyolpakti Jehová. Pero ikuak opanok kanaj cuarenta xiuitl Moisés ayakmo okatka yolyamanki. Iksi tlen omotokayotiaya Míriam, tlen okipaleui ompa Egipto, oixpoliuik uan okitokakej ompa Qadés. Ikuakon, israelitas opeki kualanij porque okinpoloaya seki tlamtli. Biblia kijtoa opeki kixnamikij Moisés porque amo okipiayaj atl. Okualantokaj maski Jehová okitekitilti Moisés ma kinchiua milagros uan noijki ye kuali okinyekanaya. Okitlajtlakoltiayaj Moisés porque amo okipiayaj atl (Núm. 20:1-5, 9-1).

##### w19.02 pág. 13 párrs. 20, 21

##### Ma tiyetokan tiyolyamankej uan ma tikyolpaktikan Jehová

<sup>20</sup> Moisés sapanoa okualanki ikuak ijkon okichijkej israelitas. Okinmajuak uan okinmilui kichiua skia se milagro. Amo okitlapoui tepexitl uan ijkon okiteititi amo okitlakamatki Jehová. Ome uelta okiuitek tepexitl uan okiski miak atl. Ikon okichi porque okualanki uan ayakmo okatka yolyamanki (Sal. 106:32, 33). Jehová amo okikauili ma kalaki itech tlali tlen okijo kimakaskia porque ayakmo okatka yolyamanki (Núm. 20:12).

<sup>21</sup> ¿Tlen techmachtia tlen okipanok Moisés? Aacho, techmachtia nochipa ma timochijchikauakan ma tiyetokan tiyolyamankej. Tla amo timomaluisej, san niman timoueyinekiskej uan san tlen amo tikijtoskej uan tikchiuaskej tlen amo kuali. Noijki techmachtia, tla timotekipachoaj uelis tisotlauaskej. Pero moneki timochijchikauaskej tiyetoskej tiyolyamankej maski titlajyouiskej.

w18.07 pág. 13 párr. 4; págs. 14, 15 párrs. 12, 13

### ¿Titlachixtokej itech Jehová?

<sup>4</sup> Moisés nochipa okikauiliaya Jehová ma kiyekana. “Amo omosotla, ken okimatia Dios okatka íwa, maya amo okitaya” (**xiktajtolti Hebreos 11:24-27**). Biblia kijtoa amo okatka okse tlakatl ken Moisés tlen okatka iprofeta toTajtsin Dios uan kuali okixmatiaya (Deut. 34:10). Pero maski kuali omouikaya iuan Jehová, amo okikauilijkej ma kalaki itech tlali tlen okijto kinmakaskia (Núm. 20:12). ¿Tlen okipanok?

<sup>12</sup> Onka okse tlamantli tlen okichi Jehová ma kualani iuan Moisés uan Aarón. Ma tikitakan tlen okinmilui Moisés israelitas: “¿Itech nin tepexitl *timechkixtiliskej* atl?”. Ijkuak okijto “timechkixtiliskej” xamo okijtojtoka ye uan Aarón okikixtijkej atl. Maski amo tikmatij tleka ijkon okijtojkej, okiteitijkej amo okitlakaitayaj Jehová porque ye okichi non milagro. Nin kiteititia tlen kijtoa Salmo 106:32, 33: “Otlakualanijkej ompa Meribá kanin okikixtijkej atl uan intlajtakol otlajyoui Moisés. Okikualanijkej *uan ye opejki kijtoa tlen amo kuali*” (Núm. 27: 14). Nochi tlen okichi Moisés amo okiteititi okueyichiaya Jehová. Jehová okilui Moisés uan Aarón: “Amo onanttlakamat-

kej ijkuak onamechnauati” (Núm. 20:24). ¡Melauk otlahtlakolchijkej!

<sup>13</sup> Moisés uan Aarón okiyekanayaj ialtepe Jehová, ik non, okipiayaj miak tekitl (Luc. 12:48). Aacho, Jehová amo okinkauili ma kalakikan Canaán israelitas tlen otlaixnamikiayaj (Núm. 14:26-30, 34). Ik non, Moisés amo okikauilijkej ma kalaki itech tlali tlen Jehová okijto kinmakaskia.

### Ma tiktemokan ken techpaleuia Biblia

w14-S 15/6 pág. 26 párr. 12

### ¿Tikinmitaj ken Jehová akinmej motlapololtiaj?

<sup>12</sup> Aarón okichi seki tlamantli tlen amo kuali, ik non, Jehová uelis kixpoloskia. Pero Jehová ok okitak yolkuali. Xamo oksekimej israelitas okichiualtijkej tlen okichi. Pero ijkuak okilujkej tlen amo kuali okichi ye san niman omoyolkopki uan okichi tlen Jehová okijto (Éx. 32:26; Núm. 12:11; 20:23-27). Jehová okipatioitak Aarón porque otlaneltokaya uan noijki omoyolkopki. Miak xiuitl satepan ok okinmilnamikiayaj Aarón uan ixuiuan porque okitlakamatkej Jehová (Sal. 115:10-12; 135:19, 20).

## 19-25 DE ABRIL

### KEN TECHPALEUIA BIBLIA | NÚMEROS 22-24

### “Jehová okinteochei akinmej okinmiluijkej amo kuali ma kinpano”

bt-S pág. 53 párr. 5

### Okitematilti “kualitájtoli de Jesús”

<sup>5</sup> Axkan ijkon ken itech achto siglo, amikaj uelis kichiwas ayakmo ma titetlapouikan. Miakej tokniuan kintsakuaj, oksekimej uejka kintitlanij pero non san kichiua okachi

ma tetlapouikan. Itech Segunda Guerra Mundial nazis okintsakej tokniuan pero yejuan miakej okintlapouijkej. Se judío ijkon okixmatki toTajtsin Dios, ye okijto: “Onikitak maski okintsakej iTlaixpantijkauan Jehová okatkaj yolchikauakej, non okichi ma nikneltoka melauak kichiua tlen kijtoua Biblia, ik non, onimochi iTlaixpantijká Jehová”.

**it-2-S pág. 250**

### Ijkuak ikaj kuatlapoloua

**Ijkuak ikaj kixnamiki Jehová.** Profeta Balaam okiteititi okuatlapolouaya porque okinek kijtos amo kuali ma kinpano israelitas, ijkon tekua Balac tlen ochantia ya Moab kitlaxtlauiskia. Pero Jehová amo okikauili. Apóstol Pedro okijto: “Iwa se burra non amo tlajtoa, owatlajto kemi tejwah iwa okajwak para ayakmó makichijtinemi tlan amokuali kemi se non san kuatlapolojtok”. Pedro okijto Balaam okuatlapolouaya, ik non, ika griego okitekitilti tlajtoli *pa·ra·fro·ní·a*, non moajsikamati ijkuak ikaj amo tlalnamiki (2 Ped. 2:15, 16; Núm. 22:26-31).

### Ma tiktemokan ken techpaleuia Biblia

**w04-S 1/8 pág. 27 párr. 2**

Tlen okachi ipati omotlajtolti itech Números

**22:20-22 ¿Tleka Jehová okualanki iuan Balaam?** Jehová amo okikauili ma kijto Balaam amo kuali kinpanoskia israelitas (Números 22:12). Pero Balaam amo okitlakamatki Jehová uan oyajki iuan tlakamej tlen okipaleuiaya tekua Balac, ijkon okichi porque okinekiaya ma kitlaxtlauan non tekua (2 Pedro 2:15, 16; Judas 11). Ijkuak Jehová okichiualti Balaam ma

kinteochiuia israelitas, ye ok okinekiaya ki yolpaktis tekua Balac. Ik non, okilui ma kintekitilti siuamej moabitas para ma kin kajkayauakan tlakamej israelitas uan ma tlajtlakolchiuakan (Números 31:15, 16). Ik non, Jehová sapanoua okualanki iuan Balaam porque ye sapanoua otlaxnekiaya.

## 26 DE ABRIL-2 DE MAYO

### KEN TECHPALEUIA BIBLIA | NÚMEROS 25, 26

**“¿Ken uelis tlapaleuis ijkuak ikaj itlaj kichiua?”**

**Iv tlamachtil 9 párrs. 1, 2**

**“Xikcholilikah n awilnemílistli”**

AKIN kinkitskia yolkamej, achtó kita tlen kikua yolkatl tlen kineki kikitskis. Ijkuak yikimati tlen kikua yolkatl tlen kineki kikitskis, non kitlalilia itech trampa. Ijkuak yolkatl kikua tlen kajki itech trampa uan ompa mokaua, akin kinkitskia yolkamej yolkapi pampa okitlali itech trampa tlen yolkatl kikua.

<sup>2</sup> Itech xiuitl 1473 achtó itech xiuitl 1, se tlakatl itoka Balaam kuali okipejpenki tlen trampa kitekitiltis. Ye okinekiaya kikitskis ialtepe toTajtsin Dios, tlen ochantiaya itech ixtlauak Moab, tlen amo uejka okatka itech Tlali tlen Jehová okijto Kinmakaskia. Balaam okijto okatka iteotlajtjoki Jehová, pero non amo melauak, pampa ye okatka se tlakatl tlaixneki tlen okitlajejkej ma kiuijuikalti altepetl Israel. Pero Jehová amo okikauili uan okichi ma kitteochiuia. Pampa Balaam okinekiaya ma kitlaxtlauikan, omokuayejecko uelis kichi uaskia toTajtsin Dios ma kinuijuikalti israelitas, tla yejuan kichi uaskiaj se ueyi

tlajtlakoli. Pampa ijkon omokuayejyeko kichiuas, okitekitilti se trampa: ichpokamej kuajkualtsitsintin tlen ochantiayaj Moab (Números 22:1-7; 31:15, 16; Apocalipsis 2: 14).

#### **Iv tlamachtil 9 párr. 4**

##### **“Xikcholilikah n awilnemílistli”**

**4** ¿Tleka sapanoa otlajyouijkej? Pampa omoxelojkej itech Jehová, miakej opejkej kipiaj amo kuali inyolo, maski ye okinmakixti itech Egipto, okintlamakak kanin tlauaki uan okinuikak itech Tlali tlen okijto Kinmakaskia (Hebreos 3:12). Tlatitlanil Pablo omokuayejyeko itech nin uan okikuilo: “Amo matimomekatikah kemi sikimeh de yejwah okichijkeh, iwa omikeh sempóali iwa eyi mil (23,000) san itech se tonati” (1 Corintios 10:8).

#### **Ma tiktemokan ken techpaleuia Biblia**

##### **it-2-S págs. 238 párrs. 1, 2**

##### **Kanin otلاميaya intlal**

Ijkuak Israelitas okinmakayaj tlali xamo omonekiaya kichiuaskeh nin ome tlaman-tli: okichiayaj sorteо uan nojki okitayaj

kox ueyi non tribu. Xamo ika sorteо okijtouayaj kanin kinmakaskiaj tlali sejse tribu, uelis kinmakaskiaj ik sur, norte, este noso oeste. Sekimej kinmakaskiaj tlali itempa mar noso ipan tepeyo. Jehová okijtouaya kanin kinmakaskiaj tlali uan ijkon amikaj okualania-ya (Prov. 16:33). Nojki Jehová uelis kitaskia tlen tlali kinmakaskiaj, ijkon mochiuaskia tlen okijtouaya profecía tlen okijto Jacob ikuak yiixpoliuiskia. Non profecía ikuilitok itech Gé-nesis 49:1 hasta 33.

Ijkuak yokichijkej sorteо uan yokitakej tlen tlali kinmakaskiaj, satepan okitayaj kanin tlamiskia intlal. Pero nojki okitayaj kox ueyi intribu. Jehová okinmilui ma kinxexelikan tlali ika sorteо pero omonekiaya kitaskeh kox miakej itech intribu. Akinmej okachi miakej okachi ueyi tlali kinmakaskiaj uan akinmej amo miakej amo okachi ueyi kinmakaskiaj. Kanin kinmakaskiaj ompa mokauaskiaj (Núm. 33:54). Ijkuak okichiayaj sorteо amo uelis kipatlaskiaj kanin chantiskiaj pero kema okinmakayaj okachi tlali tla miakej itech intribu. Ik non, itribu Judá okikuilijek sekí tlali uan okimakakej itribu Simeón (Jos. 19:9).













